



UPA 2017/11
Nuuk, 20.04.2017
Bendt B. Kristiansen

2016-imut Nunatta Karsiata naatsorsuutaasa akuersissutigineqarnis-saannik siunnersuut

(Aningaasaqarnermut Akileraartarnermullu Naalakkersuisoq)

Nunatta karsia kr. 51 mio.-nik sinneqartoorpoq, missingersuutaasunit kr. 311 mio.-nik amerlanerusunik. Aningaasat nikerartut naatsorsuutigeerlugit kr. 1.358 mio. tingoriaannarnik uninngasuuteqarluni.

2008-mit ukiut tullerit aningaasaqarnikkut ajorsiertortumik ingerlasimaneq muminganut qummut ingerlalersutut isikkoqarmat iluarisimaarnarpoq.

Nunarsuaq tamakkerlugu aalisakkanut qalerualinnullu akit uangut aqussinnaanngisagut pitsanngoriartortut ineriartorluartoqarneranut pissutaalluinnarput.

Namminersorlutik Oqartussat ingerlatseqatigiiffiutaannit akileraarutit 73 mio. kr.-it missaannik isertitaqarneruffiupput, pingaartumik ingerlatseqatigiiffinit ukunangaanneersut Royal Arctic Line A/S, Greenland Holding A/S, KNI A/S kiisalu annikinnerusumik isertaqarfiunerullutik Royal Greenland A/S aamma Tele Greenland A/S, taman-na inuiaqatigiit akiliisinnaassusaata ataatsimut isigalugu pittanngoriarsimanageranik takussutissatut taasariaqarpoq, iluarisimaarnarlunilu.

14 mio. kr.-nik isertitaqarnerusimanermut ilaatigut pissutaapput 2016-imut aningaasanut inatsimmi missingersuusiarineqarsimasunut sanilliullugu akitsuutit qaffasinnerulaarnerat ilaatigullu aallaqqaammut naatsorsuutigisamit pisaqarnerusoqarsimanagera.

Akitsuutilli tamatigut iluanaarutaaginnartannginnerat aamma takussutissaqarpoq. Qummoortoatinut akittuutit qaffanneqarnerisa kingorna qummoortoatinik pisiortorneq annikilleriarujussuarsimammatt ersarippoq, naak aningaasanngorlugu annertuumik taasariaanngikkaluaq.

Aningaasartuutini inatsisinut pituttorsimasuni peqqinnissaqarfik immikkut mallinnaaffigisassaavoq. Ukioq 2016-mi missingersuutaasunit kr. 9 mio.-nik appsinnerusumik atuisoqarsimangaluaq napparsimasut pinartumik angallanneqartariaqalersarnerat nappaassuullu kræft-ip nappaatillu allat assigisaasa kingunerisaanik aningaasartuutit aqukkuminaalluinnalersinnaasarnerat ilisimaaraarput. Ukiup siuliani innuttaasut nappaassuarmik kræft-imik eqqungaallutik kattorsar-

tittarneranni ilaqtariinnut atugassarisaasut annertuumik oqallisigineqarmata Inuit Ataqtatigiinnit malinnaalluarpugut. Maluginiarparput inuiaqtatigiit napparsimasut peqqissariarnerannut atatillugu atugassarisaasut pittanngorsaaviginiallugit annerusumik aningaasartuuteqassallutik piareersimasut, Naalakkersuisorlu aqqissutaasinnaasumik saqqummiussissalluni suliaqartoq naalarnivarput.

Ataatsimut isigalugu nunatta aningaasaqarnerata nukittuneruleriartornissaa sulissutigisariaqarpoq, aqqutissallu ilagivaat aalisakkat avammut niuerutigineqartartut nalitunerulersinniarnissaat, aalisartunut, sulisartunut naggataagullu nunatta karsianut annerusumik iluanaarutaaleqqullugit.